

大清聖祖仁皇帝實錄

大清聖祖合天弘運文武睿哲恭儉寬裕孝敬
誠信中和功德大成仁皇帝實錄卷之二百八

十一

監修總裁官光祿大夫太保兼太子太傅保和殿大學士兼戶部尚書二等伯加四

級臣馬齊光祿大夫經筵日講官起居注少保兼太子太保保和殿大學士仍兼

管吏部戶部尚書翰林院掌院事加二級又加一級臣張廷玉光祿大夫經筵講

官太子太傅文華殿大學士仍兼理戶部尚書事務加五級又加二級臣蔣廷錫

總裁官光祿大夫文華殿大學士兼吏部尚書臣朱軾等奉

敕修

康熙五十七年。戊戌。閏八月。丙午朔。總督額
倫特疏報。七月十六日。臣等自門贊西里克
起程。至齊諾郭爾地方安營。十七日四更時
分。賊兵衝逼營盤。臣即遣遊擊王汝載等率
兵進擊。賊衆大敗。賊人又自東自南齊進。臣
親統弁兵與賊對敵。鎗礮並發。自寅至巳。賊
敗下山坡。臣等追擊十餘里。見賊兵多而官
兵少。四面山溝俱有可通之路。恐有埋伏。未
大曾窮追。所獲被傷一賊。訊稱賊首托布齊杜

喀兒二人率兵四千由喀喇烏蘇河西小路
而來。臣即移咨公策旺諾爾布統兵速來接
應。臣仍相度機宜。渡過喀喇烏蘇前往狼臘
嶺。若與色楞相遇。則會兵前進。倘不相值。再
隨機而行。得旨。據奏大敗厄魯特賊兵。傷殺
甚多等語。額倫特率領兵丁頗少。直抵從古
未到之絕域。奮勇直前。建立膚功。殊非尋常
軍功可比。見今賞賚軍前人等家屬。外事定
後。著從優議叙。○侍衛色楞疏報唐古特人

等原係達賴喇嘛所屬之人。自去年被厄魯特賊衆奪其牲畜。擄其婦女。擾害難堪。是以晝夜懸望大兵救援。一聞大軍前至。莫不歡躍投誠。爲首台吉卓里克圖之子博音馬松台吉丹津綽音達克等率衆來降。但臣未知額倫特由何路進兵。因將新滿洲侍衛諾里爾達等派出。令投誠之沙克扎寨桑爲嚮導。前往偵探額倫特信息。今已得回。文臣在喀喇烏蘇候伊來到。合兵一處前進達穆地方。

下所司知之。○丁未，侍衛色楞疏報。七月二十日，臣等統兵至喀喇烏蘇安營。二十一日，隨據新降台吉博音馬松等報稱，見在厄魯特賊人在伊地方勒索口糧，謀擊我兵。臣即率領滿洲綠旗兵丁分列三隊，前往截殺。賊衆衝抵我師，分道夾擊，連敗之，奪其三處山土梁。賊兵竄走，臣隨統兵追殺二十里，斬戮賊土兵二百餘人，受傷者甚衆，得首該部從優議叙。○烏朱穆泰和碩車臣親王色登敦多卜。

科爾沁和碩額駙多爾濟來朝○庚戌

上駐蹕布爾哈蘇台○辛亥

上駐蹕巴顏和洛○壬子刑部侍郎李華之等

疏報陝西平涼府屬靜寧等州縣地震臣等

遵旨賑恤今總督鄂海續報鞏昌府屬秦州

等五州縣地震臣等往勘如果災重亦應賑

恤得旨此續報秦州等五處地震亦著察明

散賑○乙卯議政大臣等議覆和卜多烏闌

古木等處築城駐兵護衛喀爾喀今發遣之

人種地。謹奉諭旨遵行外。查將軍傅爾丹。祁里德等。見在彼處駐紮年久。深知地方形勢。應行令將軍傅爾丹。將和卜多烏闌古木等處。果宜築城墾田。及蓋造房屋之處。一併詳看具奏。至於設立驛站。甚屬緊要。查自殺虎口。至和卜多烏闌古木地方。均宜設立驛站。其車輛馬匹。亦應照例添設。但未便懸擬。請遣堂官一員。前往會同詳視。確擬具題。到日再議。得旨依議。見今員外郎保住在彼。不必

另遣堂官。其築城墾地添設驛站等項俱交

上與保倭會同將軍詳議具奏。○己未。庚辰日

上駐蹕得爾吉惠漢地方。○庚申。未對熱赫

上駐蹕克爾木台地方。○辛酉。兵部議覆先經

都察院遵旨題參八旗都統副都統等咨送

補授佐領承襲世職事件遲延交與兵部定

例。按其遲延年月分別嚴加察議。今議都統

副都統以下。咨送事件遲延三年以上者應

罰俸三年。遲延二年以上者應罰俸二年。遲

生得所而欲民生得所必以敷恩寬賦爲急也。三年以來。因策妄阿喇布坦。狂逞跳梁。發遣大兵屯駐西邊。一切軍興征繕。雖動支正供錢糧。不使累及閭閻。而轉輸輓運。陝西百姓。勞苦急公。實堪憫恤。又莊浪等處地震。隨經特遣部院堂官。馳往察賑。而用兵之後。尤宜格外施仁。撫綏黎庶。應將陝西巡撫甘肅巡撫所屬通省各府州縣衛所錢糧米豆草束悉予蠲免。目今係有軍務之時。除米豆草

東外。其康熙五十八年。應徵地丁銀一百八十八萬三千五百三十六兩有奇。并歷年積欠銀四萬七百五十七兩有奇。著一槩蠲免。爾部速行文該督撫通行曉諭。實心奉行。務俾均沾德惠。以副朕篤念民勞。拯恤災傷至意。如有不肖官吏。朦混私徵。澤不下逮者。該撫嚴察指參。從重治罪。○庚午。蘇麻喇布。上駐蹕克勒畢喇地方。○吏部議覆四川道御史楊汝穀條奏。康熙五十一年。行取知縣至

今未補。宜議疏通。嗣後遇有單月主事缺出。每三缺。將伊等補用二人。再查臣部從前咨取。以五部主事補用之員。亦未補用。應俟行取人員補完之日。亦照此例補用。又五城司坊官。查拏逃盜。安輯居民。宜照外省三年計典之例。分別勸懲。嗣後五城司坊官。如有聲名不好者。都察院查叅處分。其俸滿三年。果有操守清廉。辦事勤敏者。聽五城御史註明事實。都察院查核薦舉。又外任官員。有因父

母年老。自己戀缺者。臨選之時。假捏過繼爲
辭。而典史驛丞等官。偶掣遠缺。托名治喪。回
家。希圖遷延另掣。此弊宜加嚴禁。嗣後官員
赴選。該旗及該地方官。所給文結內。註明三
代履歷。有無過繼字樣。如有假捏過繼。捏稱
治喪者。本人以不孝論罪。出結官。一并議處。
從之。○內閣學士渣克旦等疏報。索倫近被
皇水災。臣等遵旨前往賑恤。將索倫男婦人口
傳集。賞給馬牛。帳房衣服銀兩。其有見在出

征兵丁之妻子。加倍給與銀兩。

皇恩丕徧。歡聲動地。報聞。○辛未。遣官祭

歷代帝王。○遣官祭城隍之神。○壬申。庚

上駐蹕阿納達達巴漢昂阿地方。○予故杭州

副都統李雄祭一次。○陞福建澎湖水師副

將藍廷珍爲福建南澳水師總兵官。雲南督

標中軍副將馬會伯爲雲南永北總兵官。○

甲戌。典文

上駐蹕愛里格爾齊老地方。○乙亥。典文

上駐蹕雲特木爾昂阿地方○九卿議覆兵部
奏稱直隸各省歷年驛站奏銷冊內倒斃馬
匹數目多寡不一。若不定額。想恐不肖官員
希圖冒銷錢糧。捏報銷算。應自康熙五十七
年爲始。將直隸河南山東湖廣雲南貴州并
盛京沙河站鳳凰城寧古塔黑龍江等處驛
站地方馬匹十分之內。倒斃不許過三分。惟
江寧安徽江西偏沅此四省之內。驛站地方
潮濕。馬匹易於倒斃。不許過四分。應如所請。

從之。○九月。丙子朔。

上駐蹕特木爾達巴漢地方。○命吏部添設蒙

古旗分御史二員。六部郎中六員。員外郎八

員。主事六員。按俸分擬正陪。具題引見。○丁

丑。

上駐蹕張三營。○戊寅。

上駐蹕唐土溝地方。○己卯。

上駐蹕中關。○諭議政大臣等在噶斯一路駐